

摛藻堂四庫全書薈要

集部

欽定四庫全書叢要

集部

御定全唐詩卷三百二十九

四至



欽定四庫全書  
欽定全唐詩卷一百二十四

集部

御定全唐詩卷一百二十四

權德輿

送杜尹赴東都

於留異續河洛賀新遷朝選吳公守時推杜尹賢如  
綸披鳳詔出匣淬龍泉風雨交中上簪裾散別筵清明  
人比玉照灼府如蓮佇報司州政徵黃似頴川

送孔江州

一作送人

之九江

九派潯陽郡分明似畫圖秋光連瀑布晴翠辨香鑪才  
子厭蘭省邦君榮竹符江城多暇日能寄八行無

送渾鄧州

年少守南陽新恩印綬光輕軒出繞雷利刀發干將風  
勁初下葉雲寒方護霜想君行縣處露冕菊潭香

埇橋達奚四于十九陳大三侍御夜宴叙各賦

二韻

一作埇橋  
夜宴叙別

滿樹鐵冠瓊樹枝蹲前燭下心相知明朝又與白雲遠

自古河梁多別離

酬別蔡十二見贈

伊人茂天爵恬澹卧郊園傲世方隱几說經久顚門浩  
歌曳柴車詎羨丹轂尊嚴霜被鶴衣不知孤白溫游心  
義文際愛我相討論潢汙忽朝宗傳騎令載奔崢嶸歲  
陰晚歎愴離念繁別館綠桐清寒郊煙雨昏中飲見逸  
氣縱談窮化元佇見看一作公車起聖代待乞言

揚州與丁山人別

將軍易一作赤道令威仙華髮清談得此賢惆悵今朝廣

陵別遼東後會復何年

送台州崔錄事

不嫌臨海遠微祿代躬耕古郡紀綱職扁舟山水程詩  
因琪樹麗心與瀑泉清盛府知音在何時薦政成

送信安劉少府

自常州參軍選授

相看結離念盡此林中渌夷代輕遠遊上才隨薄祿參  
卿滯若一作孫楚隱市同梅福吏散時泛弦賓來間覆局

襟情無俗慮談笑成逸躅此路足灘聲羨君多水宿

送李城門罷官歸嵩陽

城門院在遺補院東

與君相識處吏隱在牆東啟閉千門靜逢迎兩掖通罷  
官多暇日肄業有儒風歸去塵寰外春山桂樹

一作蘭桂叢

送上虞丞

越郡佳山水

一作清

江接上虞計程航一葦試吏佐雙

亮雲壑窺仙籍風謠驗地圖因尋黃絹字爲我弔曹盱

送盧評事婺州省覲

知向東陽去晨裝見綠衣客愁青眼別家喜玉人歸漠  
漠水煙晚蕭蕭楓葉飛雙溪泊船處候吏拜胡威

送崔端公郎君入京觀省

已見風姿美仍聞藝業勤清秋上國路白皙少年人帶  
月輕帆疾迎霜綵服新過庭若有問一爲說漳濱

送張周二秀才謁宣州薛侍郎

儒衣兩少年春棹轂一作溪船湖月供詩興嵐風

一作煙嵐

費酒錢上帆涵浦岸一作極浦敲枕傲晴天不用愁羈旅

宣城太守賢

送張將軍歸東都舊業

功名不復求  
舊業向東周  
白草辭邊騎  
青門別故侯  
摧殘寶劍折  
羸病綠珠愁  
日暮寒風起  
猶疑大漠秋

送句容王少府簿領赴上都

上國路綿綿  
行人候曉天  
離亭綠綺奏  
鄉樹白雲連  
江露濕征袂  
山鶯宜泊船  
春風若爲別  
相顧起尊前

送從弟謁員外叔父迴歸義興

異鄉兄弟少見爾自依然來酌林中酒去耕湖上田何  
朝逢暑雨幾夜泊魚煙餘力當勤學成名貴少年

送梁道士謁壽州崔大夫

年少一仙官清羸駕綠鸞洞宮雲渺渺花路水漫漫歲  
計芝田熟晨裝月帔寒遙知小山桂五馬待邀歡

送鄭秀才貢舉

西笑一作去意如何知隨貢舉一作士科吟詩向月露驅馬

出煙蘿晚色平一作寒蕪遠秋聲候鴈多自憐歸未得相

送一勞歌

送謝孝廉移家越州

家承晉太傅身慕魯諸生又見一帆去共愁千里程沙

平古煙

一作樹迴潮滿曉晚

一作江晴從此幽深去無妨隱

姓名

送韓孝廉侍從赴舉

貢士去翩翩如君最少年綠衣行不廢儒服代相傳曉  
月經淮路繁陰過楚天清談遇知已應訪孝廉船

送陸拾遺祇召赴行在

鶼鷉承新命翻飛入漢庭歌詩能含雅獻納每論經月  
曉蜀江迥緩啼楚樹青幸因焚草暇書札訪沈冥

送暎師歸本寺

還歸柳市去遠遠出人羣苔甃桐花落山窗桂樹薰引  
泉通絕澗放鶴入孤雲幸許宗雷到清談不易聞

送宇文文府赴行在

行在一作官

送君當歲暮斟酒破離顏車騎擁寒冰雪雲凝遠山且

安黃綬屈莫羨白鷗間從此圖南路青雲步武間

送岳州溫錄事赴任

解巾州主簿捧檄不辭遙獨鶴九霄翼寒松百尺條晨  
裝沾雨雪旅宿候風潮爲政閒無事清談肅郡僚

送山人歸舊隱

工爲楚辭賦更著魯衣冠歲儉山田薄秋深晨服寒武  
人榮燕領志士戀漁竿會被公車薦知君久晦難

惠上人房宴別

方袍相引到龍華  
支策開襟路不賒  
法味已同香積會  
禮容疑在少施家  
逸民羽客期皆至  
疎竹青苔景半斜  
究竟相依何處好  
匡山古社足煙霞

送襄秀才貢舉

儒衣風貌清一作羞  
此別去抵漢公鄉  
賓貢年猶少  
篇章藝

已成臨流惜暮景  
話別起鄉情離酌  
不辭醉西江春草  
生

送袁太祝衢婺巡覆同用山字

校緝稅畝不妨閒清興自隨魚鳥間知君此去足佳句

路出桐溪千萬山

送湖南李侍御赴本使賦採菱亭詩

舊俗採菱處津亭風景和沅江収暮靄楚女發清歌曲  
岸繁湘葉荒堦上白波蘭橈向蓮府一爲枉帆過

送穆侍御歸東都

知君儒服貴綵繡兩相輝婉婉成名後翩翩擁傳歸江  
深煙嶼沒山暗雨雲飛共待酬恩罷相將去息機

送崔端公赴度支江陵院三韻 照字

津亭風雪霽  
對酒留征棹  
星傳指湘江  
瑤琴多楚調  
偏愁欲別處  
黯黯頽陽照

送陸太祝赴湖南幕同用送字 三韻

不憚征路遙  
定緣賓禮重  
新知折柳贈  
舊侶乘籃送  
此去佳句多  
楓江接雲夢

送李處士歸弋陽山居

限姓名  
中用韻

暫來城市意何如  
却憶葛一作陽溪上居  
不憚薄田輸

井稅自將嘉句著州閣波翻極浦檣竿出霜落秋郊樹  
影疎想到家山無俗侶逢迎只是坐籃輿

送清凌上人謁信州陸員外

暫辭長老去隨緣候曉輕裝寄客船佳句已齊康寶月  
清談遠指謝臨川灘經水瀨逢新雪路過漁潭宿暝煙  
暇日若隨千騎出南巖只在郡樓前

送別同用閑字三韻

耿耿離念繁蕭蕭涼葉脫緇塵素衣敝風露秋江闊想

得讀書窗巖花對巾褐

送人使之江陵

賞字

嘉招不辭遠捧檄利攸往行役念前程謐游睽舊賞  
征輶星乍動江信潮應上煙水飛一帆霜風搖五兩紛紛  
別袂舉切切離鴻響後會杳何時攸悠勞夢想

餘干贈別張二十二侍御

一作餘干  
別張侍御

蕪城陌上春風別千越亭邊歲暮逢驅車又愴南北路  
返照寒江千萬峰

雜言賦得風送崔秀才歸白田限三五六七言

暄字

響深澗思啼緩闔入蘋洲暖輕隨柳陌暄澹蕩乍飄雲  
影芳菲徧滿花源寂寞春江別君處和煙帶雨送征軒

雜言同用離騷體送張評事襄陽覲省

黯離堂兮日晚儼壺觴兮送遠遠水霽兮微明杜衡秀  
兮白芷生波泣泣一作沄沄兮煙羃羃凝暮色於空碧紛離

念兮隨君泝九江兮經七澤君之去兮不可畱五采裳

兮木蘭舟

嶺上逢久別者又別

十年曾一別  
征路一作旆此相逢馬首向何處  
夕陽千萬

峰

贈別表兄韋卿

新讀兵書事護羌  
腰間寶劍映金章  
少年百戰應輕別  
莫笑儒生淚數行

古離別

一作古  
別離

人生天地間，譬如六轡馳天壽。旣常數，奈何生別離？跡  
當中人，域正性。日已衰，是非千萬境。杳靄情塵滋，出門  
事何常。暫別亦難期，冉冉歎流景。悠悠限山坡，盡此一  
夕歡。華樽會前墀，雞鳴東方曙。夙駕臨通達，欲出強移  
步。欲留難致辭，兩情不得已。念此留，何爲天明去。已遠  
寂，默居人歸入門復上堂。怳怳生驚疑，經履同遊處。猶  
言常相隨，覽物或臨盤。一作鏡翻怪來何遲，乃知前日歡  
本爲今日悲。特此一作翻思別後，心寧及未見。時則知交疎

分久久翻易持報君未別後別後當自知

御定全唐詩卷三百二十四

欽定四庫全書叢要卷一萬七千七百三十

集部

御定全唐詩卷三百二十五

權德輿

早夏青龍寺致齋憑眺感物因書十四韻寺壁有舅舅

寺壁有

子氏庶

曉晚一作

出文昌宮憩茲青蓮宇潔齋奉明祀馮覽傷夏

中南橫峻極積翠，洩雲雨首夏諒清。和芳陰接場圃，仁

祠闕嚴淨稽首洗靈府虛室僧正禪危梁燕初乳通莊  
走聲利結駟乃旁午觀化復何如劄心信爲愈盛時忽  
過量弱質本無取靜永環中樞益愧腰下組塵勞期抖  
擗陟降聊俯儻遺韻畱壁間淒然感東武

仲秋朝拜昭陵

清秋壽原上詔拜承吉卜嘗讀貞觀書及茲幸齋沫文  
皇昔潛耀隋季自顛覆撫運斯順人救焚非逐鹿神祇  
戴元聖君父納大麓良將授兵符直臣調鼎鍊無疆傳

慶祚有截荷亭育仙馭凌紫氣神遊棄黃屋方祇護山  
跡先正陪巖腹杳杳九峻深沈沈萬靈肅鳥飛田已闢  
龍去雲猶簇金氣爽林巒乾岡走崖谷五皇弘孝理率  
土蒙景福擁佑乃清夷威靈諒回復禮承三公重心愧  
二卿祿展敬何所伸曾以斧山木

拜昭陵出城與張秘監閣老同里臨行別承在  
史館未歸尋辱清辭輒酬之

仲月當南口晨裝拜穀林逢君在東觀不得話離襟策

馬緣雲路開，纖扣玉音還。期纔浹日里，社酒同斟。

酬馮監拜昭陵迴途中遇雨見示

之子共乘輶，清秋拜上霄。寢宮有上霄門曙霞迎夙駕，零雨濕

迴鑣甘谷行。初盡軒臺去，漸遙望中猶可辨。耘鳥下山

椒

朔旦冬至攝職南郊因書即事

大明南至慶

一作應

天正朔旦圓丘樂

六一作

成文軌盡

同堯厯象齋祠忝備漢公卿，星辰列位祥光滿。金石交

音曉奏清更有觀臺稱賀處黃雲捧日瑞昇平

奉和張監閣老過八陵院題贈杜卿崔員外

崇飾山園孝理深萬方同感聖人心已聞東閣招從事  
每向西垣奉德音八公府從容談婉婉賓階清切景沈沈  
與君跬步如同舍終日相期此盍簪

奉和鄭賓客相公攝官豐陵扈從之作

時充鹵  
簿使

五輶導靈輶千夫象繚垣行宮移曉漏綵仗下秋原莫  
究希夷理空懷漁汗恩頤神方蹈道傳聖乃尊尊共祝

如山壽俄驚憑几言遐荒七月會肸蠁百靈奔豹尾從  
風直鸞旗映日翻塗芻聯法從營騎肅旌門杳靄虞泉  
夕淒清楚挽喧不堪程盡處嗚咽望文園

詹事府宿齋絕句

清齋四體泰白晝一室空摧頰有古樹騷屑多悲風

和王祭酒太社宿齋不得赴李尚書宅會戲書

見寄

元禮門前勞引望句龍壇下阻歡娛此時對局空相憶

博進何人更樂輸

酬襄端公八月十五日夜對月見懷

涼夜清秋半空庭皓月圓動搖隨積水皎潔滿晴天多  
病嘉期阻深情麗曲傳偏懷賞心處同望庾樓前

奉和崔閣老清明日候許閣老交直之際辱襄  
閣老書招云與考功苗曹長先城南遊覽獨行

口號因以簡贈

時德輿以疾故有阻追遊

紫禁宿初迴清明花亂開相招直城外遠遠上春臺諫

曹將列宿幾處期子玉深竹與清泉家家桃李鮮折芳  
行載酒勝賞隨君有愁疾自無悰臨風一搔首

和張秘監閣老獻歲過將大拾遺因呈兩省諸

公并見示

二賢同載筆久次入新年焚草淹輕秩藏書獻舊編竹  
風晴翠動松雪瑞光鮮慶賜行春令從茲佇九遷

酬崔舍人閣老冬至日宿直省中奉簡兩掖閣

老并見示

令節一陽新西垣宿近臣曉光連鳳沼殘漏近雞人白

雪飛成曲黃鐘律應均層霄翔迅羽廣陌駐歸輪清切

晨趨貴恩華夜直頻輟才時所重九月中楊閣老選事九月中楊閣老選事分命

秩皆真十月中崔閣老正拜本官德輿正除禮部受命前一日分草詔詞權知吏部選事分命

南宮愧積新九年叨此地迴首倍相親

八月十五日夜瑤臺寺對月絕句

羸女乘鸞已上天仁祠空在鼎湖邊涼風遙夜清秋半

一望金波照粉田

仁祠寺也見後漢書楚王英傳

夏至日作

卷三百二十五

璿樞無停運四序相錯行寄言赫曦景今日一陰生

二月二十七日社兼春分端居有懷簡所思者  
清晝開簾坐風光處處生看花詩思發對酒客愁輕  
社日雙飛燕春分百囀鶯所思終不見還是一含情

甲子歲元日呈鄭侍御明府

萬里煙塵合秦吳遂渺然無人來上國灑淚向新年世  
故看風葉生涯寄海田屠蘇聊一醉猶賴主人賢

七夕

佳期人不見天上喜新秋玉珮霑清露香車渡淺流東  
西一水隔迢遙兩年愁別有穿針處微明月暎樓

嘉興九日寄丹陽親故

窮年路歧客西望思茫茫積水曾南渡浮雲失舊鄉海  
邊尋別墅愁裏見重陽草露荷衣冷山風菊酒香獨謠  
看墜葉遠目徧秋光更羨登攀處煙花滿練塘

九日北樓宴集

蕭颯秋聲樓上聞霜風漠漠起陰雲  
不見攜觴王太守  
空思落帽孟參軍  
風吟蟋蟀寒偏急酒泛茱萸晚易醺  
心憶舊山何日見併將愁淚共紛紛

奉陪李大夫九日龍沙宴會

遲字

龍沙重九會千騎駐旌旗  
水木秋光淨絲桐雅奏遲煙  
蕪歛暝色霜菊發寒姿  
今日從公醉全勝落帽時

臘日龍沙會絕句

簾外寒江千里色林中樽酒七人期  
寧知臘日龍沙會

却勝重陽落帽時

嚴陵釣臺下作

絕頂聳蒼翠清湍石磷磷先生晦其中天子不得臣心  
靈棲顥氣纓冕猶緇塵不樂禁中卧却歸江上春潛驅  
東漢風日使薄者醇焉用佐天子特此報故人人一作則

知大賢心不獨私其身弛張有深致耕釣陶天真奈何  
清風後擾擾論屈伸交情同市道利欲相紛綸我行訪  
遺臺仰古懷逸民矰繳鴻鵠遠雪霜松桂新江流去不

窮山色凌秋昊人世自今古清輝照無垠

曉發武陽館即事書情

清晨策羸車朝嘶聞村雞行將騎吏親日與情愛瞬東  
風變林樾南畝事耕犁青菰冒白水方塘接廣畦雜英  
被長坂野草蔓幽蹊鴉一作鳥鹵成沃壤枯株發柔荑芳  
樹鶯命鰌深林麝引麝杳杳途未極團團日已酉哲士  
務纓弁一作鄙夫戀蓬藜終當稅塵駕盥濯依春溪

豐城劍池驛感題

龍劍昔未發泥沙一作池相晦藏向非張茂先孰辨斗牛

光神物不自達聖賢亦彷徨我行豐城路慷慨心內傷

奉使宜春夜渡新淦江陸路至黃蘖館路上遇

### 風雨作

草草理夜裝涉江又登陸望路殊未窮指期今已促傳呼戒徒御振轡轉林麓陰雲擁嵒端靈一作需雨當山腹

震雷如在耳飛電來照目獸跡不敢窺馬蹄唯務速度

心若齋禮禱一作濡體如沐浴萬竅相怒號百泉暗奔瀑

危梁慮足跌峻坂憂車覆問我何以然前日受徵祿轉  
知人代事纓組乃徽束向一作句若家居時安枕春夢熟  
遼途稍已近候吏來相續晚霽心始安林端見初旭

細柳驛

細柳肅軍令條侯信殊倫棘門乃兒戲從古多其人神  
武今不殺介夫如搢紳息駕幸茲地懷哉悚精神

渭水

呂叟一作氏年八十皤然持釣鉤意在靜天下豈唯食營

丘師臣有家法小白猶尊周日暮駐征策愛茲清渭流

宮人斜絕句

一路斜分古驛前陰風切切晦秋煙鉛華新舊共冥冥

日暮愁鵠一作鶴飛野田

敷水驛

空見水名敷秦樓昔事無臨風駐征騎聊復捋鬚鬚

朝元閣

繚垣複道上層霄十月離官萬國朝胡馬忽來清蹕去

空餘臺殿照山椒

石甕寺

石甕靈一作寒泉勝寶井汲人迴桂青絲綆  
厨煙半逐白雲飛當晝老僧來灌頂

盤豆驛

盤豆綠雲上古驛望思臺下使人愁江充得計太子死  
日暮戾園風雨秋

晚渡楊子江却寄江南親故

返照滿寒流輕舟任搖漾支頤見千里煙景非一狀遠岫有無中片帆風水上天清去鳥滅浦迥寒沙漲樹晚  
疊秋嵐江空翻宿浪胷中千萬慮對此一清曠回首碧雲深佳人不可望

新安江路

深潭與淺灘萬轉出新安人遠禽魚淨山深水木寒嘯  
起青蘋末吟矚白雲端即事遂幽賞何心挂儒冠

月夜江行

扣船一作舷不得能一作寐浩露清衣襟彌傷孤舟夜遠結

萬里心幽興惜瑤草素懷寄鳴琴三奏月初上寂寥一作

寥寒江深

江城夜泊寄所思

客程殊未極艤櫂泊迴塘水宿知寒早愁眠覺夜長遠  
鐘和暗杵曙月照晴霜此夕相思意搖搖不暫忘

陪包諫議湖墅路中舉帆同用山字

蕭蕭涼雨歇境物望中間風際片帆去煙中獨鳥還斷

橋通遠浦野墅接秋山更喜陪清興尊前一解顏

富陽陸路

又入亂峰去遠程殊未歸煙蘿迷客路山果落征衣敲  
石臨清淺晴雲出翠微漁潭明夜泊心憶謝玄暉

曉

曉風搖五兩殘月映石壁稍稍曙光開片帆在空碧

晝

孤舟漾曖景獨鶴下秋空安流日正晝淨浮一作綠天無

風

晚

古樹夕陽盡空江暮靄收寂寞扣船舷一作舷坐獨生千里愁

夜

緩聲到枕上愁夢紛難理寂寞寂一作深夜寒青霜落秋

水

欽定四庫全書會要卷一萬七千七百三十一

集部

御定全唐詩卷三百二十六

權德輿

奉和韋諫議奉送水部家兄上後書情寄諸兄  
弟仍通簡南宮親舊并呈兩省閣老院長

駟牡龍旂慶至今一門儒服耀華簪人望皆同照乘寶  
家風不重滿簾金護衣直夜南宮靜焚草清時左掖深  
何幸末班陪兩地陽春欲和意難任

奉和史館張閣老以許陳二閣長愛弟俱爲尚  
書郎伯仲同時列在南北省會於左掖因而有  
詠

伯仲盡時賢平輿與潁川桂枝嘗徧折棣萼更相鮮丹  
地晨趨並薺扉夕拜聯豈如分侍從來就鳳池邊主客水部

二員東西對行二閣老併在左掖也時諸  
以爲分就西垣則具美相類故戲書末韻

韋賓客宅與諸博士宴集

累抗乞身章湛恩比上庠賓筵徵稷嗣一作  
嗣翼家法自扶

陽簪組歡言久琴壺雅興長陰嵐冒苔石輕籟韻風篁

佩玉三朝貴揮金百慮忘因知卧商洛豈勝白雲鄉

酬張秘監閣老喜太常中書二閣老與德輿同

日遷官相代之作

時秘書監亦同日拜命

珠樹共飛棲分封受紫泥正名推五字貴仕仰三珪繼

組心知忝

德輿代太常爲禮部

腰章事頗齊蓬山有佳句喜氣在

新題

國子柳博士兼領太常博士輒申賀贈

博士本秦官求才帖職難臨風曲臺淨對月璧池寒講學分陰重齋祠曉漏殘朝衣辨色處雙綬更宜看

過隱者湖上所居

蝸舍映平湖皤然一魯儒唯將酒作聖不厭谷名愚兵法窺黃石天官辨白榆行看軟輪起未可號潛夫

從叔將軍宅薔薇花開太府韋卿有題壁長句

因以和作

環列從容蹀躞歸光風駘蕩發紅薇鶯藏密葉宜新霽

蝶遶低枝愛晚暉  
艷色當軒迷舞袖  
繁香滿逕拂朝衣  
名卿洞壑仍相近  
佳句新成和者稀

奉和許閣老霽後慈恩寺杏園看花同用花字

口號

時德輿  
富直

杏林微雨霽灼灼  
滿瑤華左掖期先至  
中園景未斜含毫  
歌白雪藉草醉流霞  
獨限金闈籍支頤啜茗花

奉和陳閣老寒食初假富直從東省徃集賢因

過史館看木瓜花寄張蔣二閣老

一作陳閣老  
富直從東省

過史館看  
花  
寒  
食  
假

晝漏沈沈倦瑣闈  
西垣東觀閱芳菲  
繁花滿樹似留客  
應爲主人休幹歸

晚秋陪崔閣老張祕監閣老苗考功同遊昊天  
觀時楊閣老新直未滿以詩見寄斐然酬和有  
愧蕪音

方駕遊何許仙源去似一作勝歸繁回畱勝賞瀟灑出塵  
機泛菊賢人至燒丹姹女飛步虛清曉晚一作籍隱几吸

晨暉竹逕琅玕合芝田沆瀣晞銀釣三洞宇瑤筭六銖  
衣麗句翻紅藥佳期限紫微徒然一相望郢曲和應稀

春日同諸公過兵部王尚書林園

休沐君相近時容曳履過花間留客久臺上見春多松  
色明金艾鶯聲雜玉珂更逢新酒熟相與藉庭莎

與沈十九拾遺同遊棲霞寺上方於亮上人院

會宿二首

攝躡一作山標勝絕暇日諧想矚紫紆松路深繚繞雲巖

曲重樓迴樹杪古像鑿山腹人遠水木清地深蘭桂馥  
層臺聳金碧絕頂摩淨綠下界誠可悲南朝紛在目焚  
香入古殿待月出深竹稍覺天籟清自傷人世促宗雷  
此相遇偃放從所欲清論松枝一作月輪低閑吟茗花熟一  
生如土梗萬慮相桎梏永願事潛師窮年此棲宿

偶來人境外心賞幸隨君古殿煙霞夕深山松桂薰巖  
花點寒溜石磴埽春雲清淨諸天近喧塵下界分名僧  
康寶一作保月上客沈休文共宿東林夜清猿徹曙聞

題崔山人草堂

竹徑茆堂接洞天，閒時麈尾漱春泉。  
世人車馬不知處，時有歸雲到枕邊。

一作前

徐孺亭馬上口號

并序

鍾陵東湖之南有亭亭中有二碑一則故曲江張  
公所製徐徵君碣一則北海李公所製放生池碑  
戲夫二君子久隨化往而二文之盛傳於天下貞  
元初余爲是邦從事每將迎郊勞多經是間且以

其尚賢好生皆醇仁之首也因歎不得與二賢同時論文變損益亭址圯壞苔篆磷趺古風如在感舊依然而通道在側平湖在下波流轂擊日月無窮因於馬上口號絕句詩一首以寄歎愴

湖上荒亭臨水開龜文篆字積莓苔曲江北海今何處盡逐東流去不迴

哭劉四尚書

碑陰勒於

士友一作有惜一作昔賢人天朝喪守臣才華推獨步聲氣

幸相親理析寰

一作環

中妙儒爲席上珍笑言成月旦風

韻挹天真丹地膺推擇青油寄撫循豈言朝象魏翻是

卧漳濱命賜龍泉重追榮密印陳撤弦驚物故凡具見

家貧牢落風悲笛汎瀾涕泣巾只

一作共

嗟萬里月非復

柳營春黃絹碑文在青松隧路新音容無處所歸作北

邙塵

張工部至薄寒山下有書無由馳報輶車之至  
倍切悲懷

書來遠自薄寒山繚繞洮河出古關今日難裁秣陵報  
薤歌寥落柳車邊

工部發引日屬傷足卧疾不遂執繩

子春傷足日況有寢門哀元伯歸全去無由白馬來笳  
簫里巷咽龜筮墓田開片石潺湲淚含悲叙史才

從事淮南府過亡友楊校書舊廳感念愀然

一  
下

有遂書

十韻

故人隨化往倏忽今六霜及我就拘限清風畱此堂松

竹逾映蔚

一作  
鬱

芝蘭自銷亡絕弦罷流水聞笛同山陽

頽

一作瑩  
一作潔

如冰玉姿粲若鸞鳳章欲翥摧勁翮先秋落

貞芳正平賦鸚鵡文考頌靈光二子古不弔夫君今何

可

一作傷黃墟

一作壘

旣杳杳玄化亦茫茫豈必限宿草含

悽

一作淚

灑衣裳

哭李晦羣崔季文二處士

華封西祝堯貴壽多男子二賢無主後貧賤大壯齒未  
成鴻鵠姿遽頓驛驅趾子淵將叔度自古不得已

觀葬者

塗芻隨晝哭數里至松門貴盡人間禮寧知逝者魂笳

簫出古

一作廣

陌煙雨閑寒原萬古皆如此傷心反不言

成

一作感

南陽墓

枯

一作叢

荄沒古基

一作墓

駁蘚散豐碑向晚微風起如聞

坐嘯時

周平西墓

英威今寂寞陳跡對崇丘壯志清風在荒墳白日愁窮

泉那復曉喬木不知秋歲晚一作歲寒塘側無人水自流

蘇小小墓

萬古一作木荒墳在悠然我獨尋寂寥紅粉盡冥冥一作漠

黃泉深蔓草昧寒水空郊曠夕陰風流有佳句吟眺一

傷心

題柳郎中茅山故居

一作柳谷  
汧故居

下馬荒堦一作郊日欲曛漏漏石溜靜中聞鳥啼花落人

聲絕寂寞山窗掩白雲

哭張十八校書

數日前辱書未及還答俄承凶訃

芸閣爲郎一命初桐州寄傲十年餘魂隨逝水歸何處  
名在新詩衆不如蹉跎江浦生華髮牢落寒原會素車  
更憶八行前日到含悽爲報秣陵書

題亡友江畔舊居

寥落留三徑柴扉對楚江蠻蜻集暗壁蜥蜴走寒窗松  
蓋蔽書幌苔衣上酒缸平生斷金契到此淚成雙

御定全唐詩卷三百二十六

欽定四庫全書會要卷一萬七千七百三十二

集部

御定全唐詩卷三百二十七

權德輿

德宗神武孝文皇帝挽歌詞三首

覆露雍熙運澄清教化源賡歌凝庶績羽舞被深恩纂  
業光文祖貽謀屬孝孫恭聞留末命猶是愛元元

梯航來萬國玉帛慶三朝湛露恩方浹薰風曲正調晏  
車悲鹵簿廣樂遏簫韶最愴號弓處龍鬚上紫霄

常時柏梁宴玉筭恩波徧今日穀林歸靈輶煙雨霏喬  
山森羽騎渭水擁旌旛仙馭何由見耘田鳥自飛

順宗至德大安孝皇帝挽歌三首

時充國  
簿使

十葉開昌運三辰麗德音薦功期祚玉昭儉每捐金解  
澤皇風徧虞泉白日沈仍聞起居注焚奏感人心  
孝理本憂勤玄功在嗇神睿圖傳上嗣壽酒比家人仙  
馭三清遠行宮萬象新小臣司吉從還扈屬車塵

候曉傳清蹕共瞻宮輅出迎風引綵旒遙想望陵愁芳

劍隨雲氣衣冠奉月游空餘駕龍處搖落鼎湖秋

昭德皇后挽歌詞

淮水源流遠塗山禮命升徃年求故劍今夕祔初陵鸞  
鏡金波澀翬衣玉彩凝千年子孫慶孝理在蒸蒸

大行皇太后挽歌詞三首王氏

筮水靈源濱因山祔禮崇從龍開塗路合璧向方中殿  
帳金根出厥衣玉座空唯餘文母化陰德滿公宮  
配禮歸清廟靈儀出直城九虞寧厚載一惠易尊名晚

漏銅壺澀秋風羽翼輕容車攀望處孺慕切皇情

哀笳出長信寶劍入延津嗚咽宮車進淒涼祠殿新青  
烏靈兆久白燕瑞書頻從此山園夕金波照玉塵

惠昭皇太子挽歌詞二首

前星落慶霄薤露逐晨飈宮仗黃麾出仙遊紫府遙空  
嗟鳳吹去無復雞鳴朝今夜西園月重輪更寂寥

東朝聞楚挽羽翻依稀轉天歸京兆新日與長安遠蘭  
芳落故殿桂影銷空苑騎吹咽不前風悲九旗卷

贈文敬太子挽歌詞二首

盤石公封重瑤山，贈禮尊歸全榮備。  
物樂善積深恩，鴈沼寒波咽鸞旌。  
夕吹翻唯餘西靡樹，千古霸陵原。

銅壺曉漏初，羽翼擁塗車。  
方外留鴻寶，人間得善書。  
清笳悲畫綬，朱邸散長裾。  
還似缑山駕，飄飄向碧虛。

贈鄭國莊穆公主挽歌二首

追飾崇湯沐，遺芳藹禁闈。  
秋原森羽衛，夜壑掩容輝。  
睿藻悲難盡，公宮望不歸。  
笳簫向煙霧，疑是練鸞飛。

舊館閑平陽客車啟壽堂霜凝蕊英落風度蘊歌長淑  
德圖書在皇慈禮命彰淒涼霸川曲龍樹已成行

贈魏國憲穆公主挽歌詞二首

漢制榮車一作儀服周詩美肅雍禮尊同姓主恩錫大名

封外館畱圖史陰堂閑德容睿詞一作歌悲薤露千古仰

芳蹤

秦樓曉月殘鹵簿列材官紅綬蘭桂歇粉田風露寒凝  
笳悲駟馬清鏡掩孤鸞愁冊徽音在都人雪涕看

贈梁涼一作國惠康公主挽歌詞二首

外館嬪儀貴中參  
睿渥深初笄  
橫白玉盛服鏤黃金  
風一作鳳  
度簫聲遠河低  
婺彩沈夜臺留冊謚悽愴即一作有

徽音

杳靄異湘川  
飄颻駕紫煙  
鳳樓人已去  
鸞鏡月空懸  
霧濕湯沐地  
霜凝脂粉田  
音容無處所  
應在玉皇前

故太尉兼中書令贈太師西平王挽詞

翊戴推元老  
謀猷合大君  
河山封故地  
金石表新墳  
劖劍

履歸長夜笳簫咽暮雲還  
經營師處薤露不堪聞

故司徒兼侍中贈太傅北平王挽詞

授律勲庸盛居中鼎鼐和佐時調四氣盡一作宣力淨三

河忽訪天一本缺京兆空傳漢伏波今朝麟閣上偏軫聖

情多

奉和禮部尚書酬楊著作竹亭歌

直城朱戶相遷連九達丹轂聲闔闔春官自有花源賞  
終日南山當目前晨搖玉佩趨溫室莫入竹溪一作蹊疑

洞天煙銷雨過看不足晴翠鮮飈逗深谷獨謠一曲泛  
流霞閒對千竿連淨綠縈迴疏鑿隨勝地石磴岩扉光  
景異虛齋寂寂清籟墮幽澗紛紛雜英墜家承麟趾貴  
劍有龍泉賜上奉明時事無事人間方外興偏多能以  
簪纓狎薜蘿常通內學青蓮偈更奏新聲白雪歌風入  
松雲歸棟鴻飛滅處猶目送蝶舞閒時夢忽成一作急  
成夢

蘭臺看客叙交情返照中林曳履聲

一作迎

直爲君恩一作作

思催造膝東方辨色謁承明

奉和張僕射朝天行

元侯重寄貞師律三郡都一作四封今靜謐丹輶常思闢

下來紫泥忽自天中出軍裝喜氣倍趨程千騎鳴珂入

鳳城周王致理稱申甫今日賢臣見明主拜恩稽首紛

無已凝旒前席皇情喜逢時自是山出雲獻可還同石

投水昔歲褒衣梁甫吟當時已有致君心專城一鼓妖

氛靜擁旆十年天澤深日日披誠奉昌運王人織路傳

清問仙醞嘗分玉筯濃御閒更轂金羈駿元正前殿朝

君臣一人負扆百福新宮懸綵仗儼然含瑞氣爐煙相  
與春萬年枝上東風早珮玉晨趨光景好塗山已見首  
諸侯麟閣終當畫元老溫室沈沈漏刻移退朝賓侶每  
相隨雄詞樂職波濤闊曠度交歡雲霧披自古全才貴  
文武懦夫只解冠章甫見公抽匣百鍊光試欲磨鉛諒  
無助取一作

和李中丞慈恩寺清上人院牡丹花歌

澹蕩韶光三月中牡丹偏自占春風時過寶地尋香徑

已見新花出故叢曲水亭西杏園北濃芳深院紅霞色  
擢秀全勝珠樹林結根幸在青蓮域艷藥鮮一作房次  
第開含煙洗露照蒼苔龐眉倚杖禪僧起輕翅繁枝舞  
蝶來獨坐南臺時共美閒行古刹情何已花間一曲奏  
陽春應為芬芳比君子

錫杖歌送明一無明字楚上人歸佛川

上人遠自西天竺一作至頭陀行徧國一作南朝寺口翻月

葉古字經手持金策聲泠泠護法護身唯振錫石瀨雲

溪深寂寂乍來松徑風更露一作寒遙映霜天月成魄後

夜空山禪誦時寥寥挂枯樹枝真法常傳心不住東  
西南北隨緣路佛川此去何時迴應真莫便遊天台

馬秀才草書歌

大理馬正之二

伯英草聖稱絕倫後來學者無其人白睂年少未弱冠  
落紙紛紛運纖腕初聞之子十歲餘當時時輩皆不如  
猶輕昔日墨池學未許前賢團扇書艷彩芳姿相點綴  
水映荷花風轉蕙三春併向指下生萬象爭分筆端勢

有時當暑如清秋滿堂風雨寒颼颼乍疑崩崖瀑水落  
又見古木飢鼯愁變化縱橫出新意眼前一字千金貴  
憶昔謝安問獻之時人雖見那得知

離合詩贈張監閣老

一作以離合詩  
贈祕書監張薦

黃葉從風散暗共一嗟時節換忽見鬢邊霜勿辭林下  
觴躬行君子道身一作韋負芳名早帳殿漢官儀巾車塞  
垣草交情劇斷金文律每招尋始知蓬山下如見古人

心公思張

春日雪酬潘孟陽迴文

酒杯春醉好飛雪晚庭閒久憶同前賞中林對遠山

五雜組

五雜組旗亭客往復還城南陌不得已天涯謫

數名詩

一區揚雄宅恬然無所欲二頃季子田歲晏常自足三  
端固爲累事物反徽束四體苟不勤安得豐菽粟五侯  
誠暉煜榮甚或爲辱六翮未騫翔虞羅乃相觸七人稱

作者杳杳有遐躅八桂挺奇姿森森照初旭九歌傷澤  
畔怨思徒刺促十翼有格言幽貞謝浮俗

星名詩

虛懷何所欲歲晏聊懶逸雲翼謝翩翻松心保貞實風  
秋景氣爽葉落井逕出陶然美酒酣所謂幽人吉自當  
輕尺璧豈復埽一室安用簪進賢少微斯可必

卦名詩

節變勿驚春臨風騁望頻支頤倦書幌步履整巾時

鳥漸成曲雜芳隨意新  
署霞蓮觀闕綺陌麗咸秦  
天地今交泰雲雷背一作昔  
邁屯中享諒可樂書此示家人

藥名詩

七澤蘭芳千里春  
瀟湘花落石磷磷  
有時浪白微風起  
坐釣藤陰不見人

古人名詩

藩宣秉戎寄衡石  
崇勢位年紀信不畱  
弛張良自愧樵蘇  
則爲恆瓜李斯可畏  
不顧榮官一作官尊每陳豐畝利

家林類巖岫負郭躬斂積石滿寵生嫌養蒙恬勝智疎  
鐘皓月曉晚景丹霞異澗谷永不護山梁奠無累頗符  
生肇學得展禽尚志從此直不疑支離疎世事

州名詩寄道士

金蘭同道義瓊簡復芝田平楚白雲合幽崖丹桂連松  
峰明愛景石竇納新泉與水南山壽歡隨萬福延

八音詩

金谷盛繁華涼臺列簪組石崇留客醉綠珠當座舞絲

淚可銷骨治容竟何補竹林諒賢人滿酌無所苦匏居  
容宴豆儒室貴環堵土鼓與污尊顧神則爲愈革道當  
在早謙光斯可取木鴈才不才吾知養生主

建除詩

建節出王都雄雄大丈夫除書加右職騎吏擁前驅滿  
月張繁弱含霜耀鹿盧平明躍驥裏清夜擊珊瑚定遠  
功那比平津策乃迂執心思報國效節在忘軀破膽銷  
丹浦顰蛾舞綠珠危冠徒自愛長轂事應殊成績封干

室疇勞使五符收功輕驃衛致理邁黃虞開濟今如此  
英威古不侔閑關草玄者無乃誤爲儒

六府詩

金罍暎玉俎賓友紛宴喜木蘭泛方塘桂酒啟皓齒水  
榭臨空迴酣歌當座起火雲散奇峰瑤瑟韻清徵土梗  
乃虛論康莊有逸軌穀成一編書談笑佐天子

三婦詩

大婦刺繡文中婦縫羅裙小婦無所作嬌歌遏行雲丈

人且安坐金爐香正薰

安語

巖巖五岳鎮方輿八極廓清氣祲除揮金得謝歸里閭  
象牀角枕支體舒

危語

被病獨行逢乳虎狂風駭浪失櫂檣舉人看榜聞曉鼓  
辱夫孽子遇妬母

大言

華嵩爲佩河爲帶南交北朔跬步內搏鵬作腊巨鼈鱣  
伸舒軼出元氣外

小言

醯雞伺晨駕蚊翼毫端棘刺分畛域蜘蛛結構聊蔭息  
蟻蛭雀嵬不可陟

欽定四庫全書  
欽定全唐詩卷一百二十八

御定全唐詩卷一百二十八

權德輿

雜詩五首

婉彼嬴氏女吹簫偶蕭史綵鸞駕非一作霏煙綽約兩儂

子神期諒交感相顧乃如此豈比成都人琴心中夜起  
陽臺巫山上風雨忽清曠朝雲與遊龍變化千萬狀魂  
交復目斷縹渺難比况蘭澤不可親凝情坐惆悵

淇水春正綠上宮蘭葉齊光風雨搖蕩鳴珮出中閨一  
顧授橫波千金呈瓠犀徒然路傍子悅悅復悽悽  
碧樹泛鮮飈玉琴含妙曲佳人掩鸞鏡婉婉凝相矚文  
桂映束素香黛宜瞯綠寂寥遠懷春何時來比目

含顰倚瑤瑟丹慊結繁慮失身不自還萬恨隨玉筋靡  
蕪山下路團扇秋風去君看心斷時猶在目成處

廣陵詩

廣陵寔佳麗隋季此爲京八方稱輜湊五達如砥平大

旆映空色笳簫發連營層臺出重霄金碧摩顥清交馳  
流水轂迴接浮雲冕青樓旭日映綠野春風晴噴玉光  
照地翬蛾價傾城燈前牙一作頰巧笑陌上相逢迎飄飄

翠羽薄掩映紅襦明蘭麝遠不散管弦間自清曲士守  
文墨達人隨性情茫茫竟同盡冉冉將何營且申今日  
歡莫務身後名肯學諸儒輩書窗誤一生

古意

家人強進酒酒後一作復能忘情持杯未飲時衆感紛已

盈明月照我房庭柯振秋聲空庭白露下枕席涼風生

所思萬里餘水闊山縱橫佳期憑夢想未曉愁雞鳴願

將得一作一心人一作二人心當年歡樂平長筵一作晏玉俎素手

彈秦箏一作眼睇呈巧笑惠音激淒清此願良未果永懷空

如醒

一作  
醒

雜言和常州李員外副使春日戲題十首

并序  
諸本

序皆

隨風柳絮輕曠日杏花明無奈花深處流鶯三數聲

蘭橈畫舸轉花塘水暖風搖路漸香任興不知行近遠  
更憐微月照鳴榔

簷前曉色驚雙燕戶外春風舞百花粉署可憐閒對此  
唯令碧玉泛流霞

枕上覺窗外曉怯朝光驚曙鳥花墜露滿芳沼柳如絲  
風裏裏佳期遠相見少試一望魂杳渺

閒庭無事獨步春輝韶光滿目落藥盈衣芳樹交柯文  
禽並飛婉彼君子悵然有違對酒不飲橫琴不揮不揮

者何知音誠希

江春好游行處處芳菲積綠舫入花津香車依柳陌綠  
楊煙裏裏紅藥鶯寂寂如何愁思人獨與風光隔

曙月漸到窗前移尊更就芳筵輕吹乍搖蘭燭春光暗  
入花鉢絲竹偏宜靜夜綺羅共占韶年不遣通宵盡醉  
定知辜負風煙

露洗百花新簾開月照人綠窗銷暗燭蘭遲埽清塵雙  
燕頻驚夢三桃競報春相思寂不語珠淚灑紅巾

雨歇風輕一院香紅芳綠草

翠一作接

東牆春衣試出當

軒立定被鄰家暗斷腸

春風半春光徧柳如絲花似霰歸心勞夢寐遠目傷遊  
時可惜長安無限春年年空向江南見

相思曲

一作長相思

少小別潘郎嬌羞倚畫堂有時裁尺素無事約殘黃鸝  
語臨妝鏡花飛落繡牀相思不解說明月照空房

古樂府

風光一作澹蕩百花吐樓上朝朝學歌舞身年二八壻

光風

侍中幼妹承恩兄尚主綠窗珠箔繡鴛鴦侍婢先焚百  
和香鶯啼日出不知曙寂寂羅幃春夢長

渡江秋怨二首

秋江平秋月明孤舟獨夜萬里情萬里情相思遠人不  
見兮淚滿眼

渡秋江兮渺然望秋月兮蟬娟色如練萬里徧我有所  
思兮不得見不得見兮露寒水深耿遙夜兮傷心

秋閨月

三五二八月

一作光

如練海上天涯

應人

共見不知何

處玉樓前乍入深閨玳瑁筵露濃香逕和愁坐風動羅

幃照獨眠初卷珠簾看不足斜抱箜篌未成曲稍映妝

臺臨綺窗遙知不語淚雙雙此時愁望知何極萬里秋

天同一色靄靄遙分陌上光迢迢對此閨中憶早晚歸

來歡讌同可憐歌吹月明中此夜不堪腸斷絕願隨流

影到遼東

薄命篇

一作妾  
薄命篇

昔住邯鄲年尚少口是嬌羞弄花鳥青樓碧紗大道邊  
綠楊日暮風裏裏嬋娟玉貌二八餘自憐一作顏色花

不如麗質全勝秦氏女藁砧寧用專城居歲去年來年

漸長青春

一作城

紅粉全堪賞玉樓珠箔但閒居南陌東

城詎來徃韶光日日看漸遲標梅既落行有時寧知燕

趙娉婷子翻嫁幽并游俠兒年年結束青絲騎出門一

去何時至秋月空懸翡翠簾春幃嬾臥駕鴛被沙塞經

時不寄書深閨愁獨意何如花前拭淚情無限月下調

琴一作弦

恨有餘離別苦多相見少洞房愁夢何時曉閒

看雙燕淚霏霏靜對空牀魂悄悄鏡裏紅顏不自禁陌

頭香騎動春心爲問佳期早晚是人人總解有黃金

放歌行

夕陽不駐東流急榮名貴在當年

一作時

立青春虛度無

所成白首銜悲亦何及拂衣西笑出東山君臣道合俄  
頃間一言一笑玉墀上變化生涯如等閒朱門杳杳列

華戟座中皆是王侯客鳴環動珮暗珊瑚駿馬花驄白  
玉鞍十千斗酒不知貴半醉留賓邊盡歡銀燭一作煌煌

煌夜將久侍婢金罍瀉春酒春酒盛來琥珀光暗聞蘭  
麝幾般香乍看皓腕暎羅袖微聽清歌發杏梁雙鬟美  
人君不見一一皆勝趙飛燕迎杯乍舉石榴裙勻粉時  
交合歡扇未央鐘漏醉中聞聯騎朝天曙色分雙闕煙  
雲遙靄靄五衢車馬亂紛紛罷朝鳴珮驟歸鞍今日還  
同昨日歡歲歲年年恣遊讌出門滿路光輝徧一身自

樂何足言九族爲榮真可羨男兒稱意須及時閑門下  
帷人不知年光看逐轉蓬盡徒詠東山招隱詩

旅館雪晴又覩新月衆興所感因成雜言

寥寥深夜雪初晴樓上雲開月漸明池中片影依稀見  
簾外清光遠近生皎皎晴空疑破鏡廣庭積素偏相映  
珠簾卷却光更深玉指持來色逾淨夢覺青樓最可憐  
嬋娟素魄滿寒天天地寥寥同一色秦淮楚江無限極  
歸鴻斷後何處聲深閨旅館遙相憶長安五侯華閣開

嘉賓列坐傾金罍賞明月競流雪纖手蛾眉座中設清  
歌一聲無斷絕夜已央一本缺一作殘樂未闌狐裘獸炭不知

寒珠環翠珮聲珊瑚履舄紛紜桂袖攢朱顏倚醉盡君  
歡人生少年全不久相看且勸杯中酒丈夫富貴自有  
期映雪讀書徒白首

玉臺體十二首

鶯啼蘭已紅見出鳳城東粉汗宜斜日衣香逐上風情  
來不自覺暗駐五花驄

嬋娟二八正嬌羞日暮相逢南陌頭試問佳期不肯道  
落花深處指青樓

隱映羅衫薄輕盈玉腕圓相逢不肯語微笑畫屏前  
知向遼東去由來幾許愁破顏君莫怪嬌小不禁羞  
樓上吹簫罷閨中刺繡闌佳期不可見盡日淚潺潺

淚盡一作畫足珊瑚枕魂銷玳瑁牀羅衣不忍著一作看羞見

繡鴛鴦

君去期花時花時君不至簷前雙燕飛落妾相思淚

空閨滅燭後一作夜 羅幌獨眠時淚盡腸欲斷心知人不

知

秋風一夜至吹盡後庭花莫作經時別西鄰是家家  
獨自披衣坐更深月露寒隔簾腸欲斷爭敢下階看  
昨夜裙帶解今朝嬉子飛鉛華不可棄莫是藁砧歸  
萬里行人至深閨夜未眠雙睂燈下埽不待鏡臺前

贈友人

時友人新有別恨者

知向巫山逢日暮輕桂玉佩斂淹留曉隨雲雨歸何處

還是襄王夢覺愁

舟行見月

月入孤舟夜半晴寥寥霜鴈兩三聲洞房燭影在何處  
欲寄相思夢不成

雜興五首

叢鬢愁簪時勢新初笄絕代北方人一顰一笑千金重  
肯似成都夜失身

乍聽絲聲似竹聲又疑丹穴九離驚金波露洗淨於晝

寂寞不堪深夜情

琥珀尊前月暎簾  
調弦理曲指纖纖  
含羞斂態勸君住  
更奏新聲刮骨鹽

乳燕雙飛鶯亂啼  
百花如繡照深閨  
新妝對鏡知無比  
微笑時時出瓠犀

巫山雲雨洛川神  
珠襪香腰穩稱身  
惆悵妝成君不見  
含情起立問傍人

欽定四庫全書會要卷一萬七千七百三十四

集部

御定全唐詩卷三百二十九

權德輿

祇役江西路上以詩代書寄內

辛苦事行役  
風波倦晨暮  
搖搖結遐心  
靡靡即長路  
別來如昨日  
每見缺蟾兔  
潮信催客帆  
春光變江樹  
宦遊豈云愜  
歸夢無復數  
愧非超曠姿  
循此躅促步  
笑言思暇日  
規勸多遠度  
鶼服我久安  
荆釵君所慕  
伊予多昧

理初不涉世務適因擁腫材成此懶慢趣一身常抱病  
不復理章句胷中無町畦與物且多忤旣非大川穢則  
守南山霧胡爲出處間徒使名利汚羈孤望予祿孩稚  
待我餌未能即忘懷恨恨以此故終當稅鞭鞅豈待異  
婚娶如何久入寰俛仰學舉措衡茅去滬滌水陸兩馳  
鷺晰晰窺曉星塗塗踐朝露靜聞田鶴起遠見沙鳩聚  
怪石不易躋急湍那可泝漁商聞遠岸煙火明古渡下  
碇夜已深上磯波不駐畏途信非一離念紛難具枕席

有餘清壺觴無與晤南方出蘭桂歸日自分付北窗留  
琴書無乃委童孺春江足魚鴈彼此勤尺素早晚到中  
閨怡然兩相顧

夜泊有懷

棲鳥向前林暝色生寒蕪孤舟去不息衆感非一途川  
程方浩森離思方鬱紜轉枕眼一作睡未熟擁衾淚已濡

窘然風水上寢食疲朝晡心想洞房夜知君還向隅

自桐廬如蘭溪有寄

東南江路舊知名  
惆悵春深又獨行  
新婦山頭雲半斂  
女兒灘上月初明  
風前蕩鶼雙飛蝶  
花裏間關百囀鶯  
滿目歸心何處說  
欹眠搔首不勝情

相思樹

家寄遠一作江東遠一作道  
身對江西春空見  
相思樹不見  
相思人

石楠樹

石楠紅葉透簾春  
憶得妝成下錦茵  
試折一枝含萬恨

分明說向夢中人

斗子灘

斗子灘頭夜已深  
月華偏照此時心  
春江風水連天闊  
歸夢悠揚何處尋

黃蘖館

驅車振楫越山川  
候曉通宵冒煙雨  
青楓浦上魂已銷  
黃蘖館前心自苦

清明日次弋陽

自歎清明在遠鄉桐花覆水葛溪長家人定是持新火  
點作孤燈照洞房

中書夜直寄贈

通籍在金闈懷君百慮迷迢迢五夜永脈脈兩心齊步  
履疲青瑣開緘倦紫泥不堪風雨夜轉枕憶鴻妻

病中寫直代書題寄

愚夫何所任多病感君深自謂青春壯寧知白髮侵寢  
興勞善祝疎嬾愧良箴寂寞聞宮漏那堪直夜心

端午日禮部宿齋有衣服綵結之貺以詩還答

良辰當五日偕老祝千年綵縷同心麗輕裾暎體鮮寂寥

齋畫省疑一作

曲擘香牋更想傳觴處孫孩徧目前

酬九日

重九共遊

一作歡

娛秋光景氣殊他時頭似雪還對插茱萸

和九日從楊氏姊遊

秋光風露天令節慶初筵易象家人吉閨門女士賢招

策

邀菊酒會屬和柳花篇今日同心賞全勝落帽年

上已日貢院考雜文不遂赴九華觀祓禊之會

以二絕句申贈

一作上已日  
貢院贈內

三日韶光處處新九華仙洞七香輪老夫留滯何由往

一作去  
珉玉相和正遠身

時以沽美玉爲詩題

禊飲尋春興有餘深情婉婉見雙魚同心齊體如身到  
臨水煩君便祓除

和九華觀見懷貢院八韻

上已好風景仙家足芳菲地殊蘭亭會人似山陰歸丹  
竈綴珠掩白雲巖逕微真宮集女士虛室涵春輝拘限  
心杳杳歡言望依依滯茲文墨職坐與琴觴違麗曲滌  
煩虛幽緘發清機支頤一吟想恨不雙翻飛

桃源篇

小年嘗讀桃源記忽覩良工施繪事巖逕初欣繚繞通  
溪風轉覺芬芳異一路鮮雲雜彩霞漁舟遠遠逐桃花  
漸入空濛迷鳥道寧知掩映有人家龐眉秀骨爭迎客

鑿井耕田人世隔不知漢代有衣冠猶說秦家變阡陌  
石髓雲英甘且香仙翁留飯出青囊相逢自是松喬侣  
良會應殊劉阮郎內子閒吟倚瑤瑟覩此沈沈銷永日  
忽聞麗曲金玉聲便使老夫思閣筆

新月與兒女夜坐聽琴舉酒

泥泥露凝葉騷騷風入林以茲皓月圓不厭良夜深列  
坐屏輕簾放懷弦素琴兒女各冠笄孫孩達衣襟乃知  
大隱趣宛若滄洲心方結偕老期豈憚華髮侵笑語向

蘭室風流傳玉音愧君袖中字價重雙南金

七夕

今日雲輶渡鵲橋應非脈脈與迢迢家人競喜開妝鏡  
月下穿針拜九霄

縣君赴興慶宮朝賀載之奉行冊禮因書即事  
合巹交歡二十年今朝比翼共朝天風傳漏刻香車度  
日照旌旗綵仗鮮顧我華簪鳴玉珮看君盛服耀金鉢  
相期偕老宜家處鶴髮魚軒更可憐

元和元年蒙恩封成紀縣伯時室中封安喜縣  
君感慶兼懷聊申賀贈

啟土封成紀宜家縣安喜同欣升賦開共受閨門祉珩  
璜聯采組琴瑟諧宮徵更待懸車時與君歡暮齒

河南崔尹即安喜從兄宜于室家四十餘歲一

昨寓書並傳示寫告身旣枉善祝因成絕句

五色金光鸞鳳飛三川墨巧妙相輝尊崇善祝今如此

共待曾玄捧翟衣

奉使豐陵職司鹵簿通宵涉路因寄內

綵仗列森森行宮夜漏深更鉸方啟路鉦鼓正交音曙  
月思蘭室前山辨穀林家人念行役應見此時心

酬南園新亭宴會璩新第尉慶之作時任賓客

南宮

一作亭煙景濃平視中

一作終

南峰官閒似休沐盡室

來相從日抱漢陰甕或成蝴蝶夢樹老欲連雲竹深疑  
入洞歡言交羽觴列坐儼成行歌吟不能去待此明月  
光好逑蘊明識內顧多愁色不厭梁鴻貧常譏伯宗直

予壻信時英諫垣金玉聲男兒纔弱冠射策幸成名偃  
放斯自足翛然去營欲散木固無堪虛舟常任觸大隱  
本吾心喜君流好音相期懸車歲此地即中林

七夕見與諸孫題乞巧文

外孫爭乞巧內子共題文隱暎花匼對參差綺席分鵲  
橋臨片月河鼓掩輕雲羨此嬰兒輩歡呼徹曙聞

太常寺宿齋有寄

轉枕挑燈候曉雞一作想君應歎太常妻長年多病偏

相憶不遣歸時醉似泥

朝迴閱樂寄絕句

子城風暖百花初樓上龜茲引導車曲罷卿卿理駒馭  
細君相望意何如

中書宿齋有寄

銅壺漏滴

一作滴漏

斗闌干泛灔金波照露盤遙想洞房眼

正熟不堪深夜鳳池寒

中書送勅賜齋饌戲酬

常日每齊眉今朝共解頤遙知太官膳應與衆離嬉

勅賜長壽酒因口號以贈

恩霑長壽酒歸遺同心人滿酌共君醉一杯千萬春

湖南觀察使故相國袁公挽歌二首

一作劉禹  
錫詩以下

文苑英華  
五首並見

五驅龍虎節一入鳳皇池令尹自無喜羊公人不疑天  
歸京兆日葉下洞庭時湘水秋風至淒涼吹素旗

丹旐發江皋人悲鴈一作馬亦號湘南罷亥市漢上改詞

曹表墓雙碑立尊名一字褒常聞平楚獄爲報里門高

玉山嶺上作

悠悠驅匹馬。征路上連岡。  
晚翠深雲靄。寒苔淨石梁。  
荻花偏似雪。楓葉不禁霜。  
愁見前程遠。空郊下夕陽。

題邵端公林亭

春光何處好一作足。柱史有林塘。  
鶯轉風初暖。花開日欲長。  
鑿池通野舊一作水。掃徑閱新芳。  
更置盈尊酒。時時醉楚狂。

楚狂

酬裴傑秀才新櫻桃

新果真瓊液來應宴紫蘭圓疑竊龍頷色已奪雞冠遠  
火微微辨殘星隱隱看茂先知味易好一作曼倩恨偷難

忍用烹駢駱從將翫玉盤流年如可駐何必九華丹

次滕老莊

征途無旅館當書喜逢君羸病仍留客朝朝掃白雲

宿嚴陵

身羈從事驅征傳江入新安泛暮濤今夜子陵灘下泊

自慙相去九牛毛

題雲師山房

雲公蘭若深山裏月明松殿微風起試問空門清淨心  
蓮花不著秋潭水

棲霞寺雲居室

一徑繁紆至此窮山僧盥漱白雲中閒吟定後更何事  
石上松枝常有風

舟行夜泊

蕭蕭落葉送殘秋寂寞寒波急暝流今夜不知何處泊  
斷猿晴月引孤舟

發破石路上却寄內

莎柵東行五谷深千峰萬壑雨沈沈細君幾日路經此  
應見悲翁相望心

冬至宿齋時郡君南內朝謁因寄

清齋獨向丘園拜盛服想君興慶朝明日一陽生百福  
不辭相望阻寒宵

和河南羅主簿送校書兄歸江南

兄弟泣殊方天涯指故鄉斷雲無定處歸鴈不成行草  
莽人煙少風波水驛長上虞親渤海解東楚隔瀟湘古戍  
陰傳火寒蕪曉帶霜海門潮灔灔沙岸荻蒼蒼京輦辭  
芸閣衡方憶草堂知君始寧隱還緝舊荷裳

與故人夜坐道舊

笑語歡今夕煙霞愴昔遊清羸還對月遲暮更逢秋勝  
理方自得浮名不在求終當製初服相與卧林丘

句

來水波紋細湘江竹葉輕

未口

見衡

州名勝志

古時樓上

清明夜月照樓前撩亂花今日成陰復成子可憐春盡

未歸家新婦磯頭雲半飲女兒灘畔月初明

以上見野客叢

談迴合千峰裏晴光似畫圖征車隨反照候吏暎


白雲


石塘路有懷  
院中諸公

御定全唐詩卷三百二十九

謹案卷三百二十八第六頁前三行洞房愁夢何

時曉刊本時訛由據原集改





總校官庶吉士臣張能照

校對官檢討臣蕭九成

謄錄監生臣江長瑄